



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-2-40-353-2/21**
Datum: **20.09.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica, „BH Telecom“ d.d. Sarajevo, podnesenog po punomoćniku pravnom licu „Eling-Inženjering“ d.o.o. Teslić, za izdavanje vodne saglasnosti na revidiranu projektnu dokumentaciju: „Glavni projekt magistralnog optičkog spojnog puta na području Općine Sanski Most, urađen od strane „Electra“ d.o.o. Sarajevo pod brojem OP-EL/21, aprila 2021. godine u Sarajevu (knjiga 1), i nerevidirani dio „Glavni projekat za pribavljanje vodne saglasnosti, urađen od strane „Urbis Centar“ d.o.o. Banja Luka (knjiga 2)“, na osnovu člana 114., a u vezi sa članom 109. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

R J E Š E N J E **o vodnoj saglasnosti**

1. Pravnom licu, „BH Telecom“ d.d. Sarajevo, daje se vodna saglasnost na revidiranu projektnu dokumentaciju: „Glavni projekt magistralnog optičkog spojnog puta na području Općine Sanski Most, urađen od strane „Electra“ d.o.o. Sarajevo pod brojem, OP-EL/21, aprila 2021. godine u Sarajevu (knjiga 1), i nerevidiranu projektnu dokumentaciju „Urbis Centar“ d.o.o. Banja Luka pod brojem 478-P/2021., juna 2021. godine (knjiga 2).
2. Ova vodna saglasnost se izdaje sa rokom važenja od dvije godine, a odnosi se na izgradnju – polaganje optičkog kabla u vodnom dobru i plavnom području rijeke Sane, u naselju Trnova – Sanski Most kao dionica magistralnog optičkog spojnog puta, a u postupku pribavljanja odobrenja za građenje.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije navedene u tački 1. ovog Rješenja, koja čini sastavni dio ovog rješenja, a koja se ovjerena od strane ove Agencije, vraća investitoru na trajno čuvanje.

Vodna saglasnost se daje pod slijedećim uslovima:

- 3.1. Radove na izgradnji polaganja optičkog kabla u vodnom dobru i plavnom području rijeke Sane, u naselju Trnova – Sanski Most kao dionica magistralnog optičkog spojnog puta, u gradu Sanskom Mostu izvesti u skladu sa ovjerenom projektnom dokumentacijom, navedenoj u tački 1. ovog Rješenja.
- 3.2. Izvan lokacije navedene u „Rješenju o urbanističkoj saglasnosti“ broj UP-1-03-19-1-1205/20 od 26.03.2021. godine izdata od nadležne službe Općine Sanski Most, i prethodne vodne saglasnosti AVP rijeke Save Sarajevo od marta 2021. godine, nije dozvoljeno polaganje predmetne mreže u vodnom dobru, gdje je prema odredbi člana 12. Stav (1) Zakona o vodama („Službene novine Federacije BiH“, broj 70/06), dozvoljena gradnja samo objekata javne infrastrukture, što u predmetnom zahtjevu nije slučaj.
- 3.3. Izvršiti vješanje mreže optičkog kabla bočno o konstrukciju postojećih mostova. Ista ne smije biti položena ispod donje ivice mostovne konstrukcije kako ne bi predstavljala prepreku prolazu velikih voda rijeke Sane.
- 3.4. Materijal iz iskopa i građevinski otpadni materijal se ne smije privremeno niti trajno odlagati na prostoru vodnog dobra, odnosno u korita i na obale vodotoka.

- 3.5. Ukoliko se tokom izvođenja radova utvrdi da je trasa optičkog kabla u koliziji sa postojećim instalacijama, prethodno će se rješavati njihovo ukrštanje ili izmještanje uz saglasnost mjesnog nadležnog preduzeća, koje će dati tehničke uslove za izvođenje ovih radova
- 3.6. Tokom izvođenja radova, neophodno je poduzeti sve potrebne mjere zaštite, kako predmetnim aktivnostima ne bi došlo do nastanka štete ili nepovoljnih posljedica po vode i vodni režim, te postojeće korisnike voda.
4. Ukoliko se tokom izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
6. Ovom Rješenju o vodnoj saglasnosti prestaje valjanost istekom roka od dvije godine, ukoliko u tom roku ne bude pribavljeno odobrenje za građenje i započeta izgradnja objekata.

O b r a z l o ž e n j e

Investitor, „BH Telecom“ d.o.o. Sarajevo, obratio se putem punomoćnika „Eling-Inženjering“ d.o.o. Teslić, ovoj Agenciji dana 10.08.2021. godine sa zahtjevom za izdavanje vodne saglasnosti na revidiranu projektnu dokumentaciju: „Glavni projekt magistralnog optičkog spojnog puta na području Općine Sanski Most“ urađen od strane „Electra“ d.o.o. Sarajevo, pod brojem: OP-EL/21, aprila 2021. godine, i nerevidiran „Glavni projekat za pribavljanje vodne saglasnosti urađen od strane „Urbis centar“ d.o.o. Banja Luka, broj 478-P/2021, juna 2021. godine.

Uz zahtjev za izdavanje vodne saglasnosti dostavljena je slijedeća dokumentacija:

A) Opšta dokumentacija

- Ovjerena kopija Rješenja o registraciji, broj: 065-0-RegZ-20-007502, izdano dana 05.10.2020. godine, od strane Općinskog suda u Sarajevu,
- Ovjerena kopija Uvjerenja o poreznoj registraciji, izdano dana 13.10.2014. godine, od strane Federalnog ministarstva finansija, Porezne uprave Federacije BiH – Kantonalni porezni ured SARAJEVO,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdanog od strane Uprave za indirektno – neizravno oporezivanje Banjaluka pod brojem 04/1-17-1-UPJR/1-4923-2/14, dana 30.10.2014. godine, u Banjaluci,
- Kopija uplatnice upravne pristojbe i federalna administrativna taksa,
- Kopija Rješenja, kojim se daje urbanistička saglasnost investitoru „BH Telecom“ d.o.o. Sarajevo po punomoćniku „Eling-Inženjering“ d.o.o. Teslić, za izgradnju magistralnog optičkog spojnog puta na području Općine Sanski Most, na relaciji Sanski Most –Trnova; izdano od strane Općinskog načelnika općine Sanski Most pod brojem UP-1-03-19-1-1205/20, dana 26.03.2021. godine,
- Kopija Rješenja o prethodnoj vodnoj saglasnosti, izdanog od strane Agencije za vodno područje rijeke Save, pod bojem: UP-I/25-1-40-370-13/20, dana 08.03.2021. godine,
- Punomoć izdana na ime pravnog lica „Eling-Inženjering“ d.o.o. Teslić od strane Dioničkog društva „BH Telecom“ Sarajevo potpisana od strane generalnog direktora pod brojem 00.1-16.1-59392-3/19 3430 dana 04.07.2019.godine

B) Projektna dokumentacija

- „Glavni projekt magistralnog optičkog spojnog puta na području Općine Sanski Most“ urađen od strane „Electra“ d.o.o. Sarajevo, pod brojem: OP-EL/21, aprila 2021. godine, ovjeren pod brojem 2258/1/21, od strane „PROVING“ d.o.o. Sarajevo
- Nerevidiran „Glavni projekat za pribavljanje vodne saglasnosti urađen od strane „Urbis centar“ d.o.o. Banja Luka, broj 478-P/2021, juna 2021. godine.

Nakon uvida u dostavljenu dokumentaciju konstatovano je sljedeće:

- Mreža magistralnog optičkog spojnog puta na području grada Sanskog Mosta predviđena je podzemnim vodom, te najkraćim putem izlazi iz vodnog dobra.
- Prelaz mreže preko lokalnog mosta je predviđena bočnim vješanjem o konstrukciju istog.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, izdata od strane ovog organa, te je shodno članu 114. Zakona o vodama, upisivanjem broja i stavljanjem otiska pečata ove Agencije na revidiranu projektnu dokumentaciju:

- „Glavni projekt magistralnog optičkog spojnog puta na području Općine Sanski Most“ urađen od strane „Electra“ d.o.o. Sarajevo, pod brojem: OP-EL/21, aprila 2021. godine, ovjeren pod brojem 2258/1/21, od strane „PROVING“ d.o.o. Sarajevo
- Nerevidiran „Glavni projekat za pribavljanje vodne saglasnosti urađen od strane „Urbis centar“ d.o.o. Banja Luka, broj 478-P/2021, juna 2021. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani su uslovi koje je potrebno ispuniti tokom izvođenja projektovanih radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je na ime izdavanja ovog vodnog akta izvršio uplatu upravne takse u iznosu od 60,00 KM, u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

Prilog: Dokumentacija navedena u tački **B)** obrazloženja rješenja

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „BH Telecom“ d.d. Sarajevo, Ul. Franca Lehara br.7. 71000 Sarajevo (sa prilogom)
- ⊖ AVP Sava, ISV – Vodna knjiga
- Sektor 40, arhiva
- Oglasna ploča –AVP Sava